

NIPPON



PRIJATELJSKE VEZE

JAPANA I BOSNE I HERCEGOVINE





Sadržaj

Poruka Ambasadora	2
Ministar vanjskih poslova Japana g. MOTEGI u posjeti BiH	3
Diplomatski odnosi	4
Zvanična razvojna pomoć (ODA)	5
Diplomatske teme	7
Posjeta lokalnim gradovima	9
Japan i Olimpijske i Paraolimpijske igre	11
Ličnosti koje nas povezuju	12
Bilateralna razmjena	13

Poruka Ambasadora



U 2021. godini, Japan i Bosna i Hercegovina su proslavili 25. godišnjicu uspostavljanja diplomatskih odnosa. Naše dvije zemlje su izgradile odnose zasnovane na povjerenju kroz blisku saradnju i aktivnu razmjenu u brojnim sferama. Uvјeren sam da će se naši odnosi nastaviti razvijati i u budućnosti, s obzirom da postoji dosta sličnosti između naroda Japana i Bosne i Hercegovine, kao što su pridavanje velike pažnje i poštovanja prema sopstvenoj historiji i tradiciji, te osjećaj dubokog ponosa na kulturu, jezik, umjetnost i muziku.

Brošura „Nippon” pokriva širok spektar tema naših prijateljskih odnosa, uključujući politiku, ekonomiju i kulturu. Moći ćete se upoznati sa historijom našeg partnerstva, te istovremeno uvidjeti potencijal za proširenje bilateralnih odnosa. Veoma nas raduje što će ova brošura doprinijeti produbljivanju razumijevanja, osnaživanju veza i aktivnijoj razmjeni na raznim nivoima između naše dvije zemlje.

maj 2022. godine
Ambasador Japana u Bosni i Hercegovini

ITO Makoto

Ministar vanjskih poslova Japana g. MOTEGI u posjeti BiH

U maju 2021. godine, g. MOTEGI Toshimitsu, ministar vanjskih poslova Japana, posjetio je Bosnu i Hercegovinu i održao je sastanak sa Nj. E. dr. Biserom TURKOVIĆ, zamjenicom predsjedavajućeg Vijeća ministara i ministricom vanjskih poslova BiH.

Nakon sastanka, ministri vanjskih poslova su potpisali ugovor o donaciji opreme za graničnu kontrolu i poboljšanje sigurnosti, te su se zajedno obratili javnosti.

Ministar MOTEGI je istog dana bio u kurtoaznoj posjeti Predsjedništvu BiH, koje čine: Nj.E. g. Milorad DODIK, predsjedavajući, te članovi Nj.E. g. Željko KOMŠIĆ, i Nj.E. g. Šefik DŽAFEROVIĆ.

Na sastancima je ministar MOTEGI izrazio spremnost za dalji razvoj bilateralnih odnosa sa BiH. On je istakao da je BiH zemlja koja je ključna za mir na Zapadnom Balkanu i u Evropi, te je naglasio da su evropske integracije važne za stabilnost i razvoj regiona. Ministar MOTEGI je dodao da će Japan podržati ekonomске i društvene reforme BiH kroz "Inicijativu za saradnju sa Zapadnim Balkanom".

Uvaženi čelnici BiH su ga upoznali sa trenutnim statusom reformi u BiH za pristupanje EU i izrazili zahvalnost za japansku medicinsku podršku protiv COVID-19, dugogodišnju humanitarnu pomoć i pomoć

pri obnovi BiH. Sagovornici su također razmijenili mišljenje o regionalnim pitanjima, uključujući Indo-Pacifik i istočnu Aziju.

Ovo je prva posjeta ministra vanjskih poslova Japana u posljednje 23 godine i odlična prilika za jačanje bilateralnih odnosa, obzirom da se 2021. godine obilježava 25. godišnjica uspostavljanja diplomatskih odnosa između naše dvije zemlje.



Razmjene čestitki povodom 25. godišnjice uspostavljanja diplomatskih odnosa između Japana i BiH

Japan i BiH su 9. februara 2021. obilježili 25. godišnjicu uspostavljanja diplomatskih odnosa.

Tog dana, ambasador ITO je razmijenio čestitke sa Dr. Zoranom TEGETLIJOM, predsjedavajućim Vijeća ministara BiH i dr. Biserom TURKOVIĆ, zamjenicom predsjedavajućeg Vijeća ministara i ministricom vanjskih poslova BiH. Čestitke su razmijenjene između g. SUGE, premijera Japana i dr. TEGETLIJE, te između ministra MOTEGIJA i dr. TURKOVIĆ.




Diplomatski odnosi

Nakon potpisivanja Općeg okvirnog sporazuma za mir u BiH (Dejtonski mirovni sporazum) u decembru 1995., Vlada Japana je 23. januara 1996. priznala BiH, a dvije zemlje su uspostavile diplomatske odnose 9. februara 1996. U februaru 1998., Japan je otvorio ured za vezu u Sarajevu, koji je u januaru 2008. unaprijeđen u ambasadu. BiH je u Japanu otvorila svoju ambasadu u januaru 1999. godine.

	Posjeta Bosni i Hercegovini	Posjeta Japanu
1996. februar	Uspostavljanje diplomatskih odnosa Japana i Bosne i Hercegovine	
juli	g. IKEDA Yukihiko, ministar vanjskih poslova	
1998. februar	Otvaranje ureda za vezu vlade Japana u Sarajevu	
1998. april	g. OBUCHI Keizo, ministar vanjskih poslova	
juni		dr. Haris SILAJDŽIĆ, kopredsjedavajući Vijeća ministara g. Milorad DODIK, predsjednik Vlade Republike Srpske
1999. januar	Otvaranje ambasade BiH u Japanu	
1999. septembar		g. Milorad DODIK, predsjednik Vlade Republike Srpske g. Savo LONČAR, potpredsjednik Vlade Republike Srpske
2000. maj		g. Husein ŽIVALJ, zamjenik ministra vanjskih poslova dr. Mladen IVANIĆ, predsjednik Partije demokratskog progrusa
2003. august	Odbor za vanjske poslove, Predstavnički dom Japana (predvođen g. IKEDA Motohisa)	
2004. januar	g. MATSUMIYA Isao, parlamentarni sekretar za vanjske poslove	
aprili		dr. Mladen IVANIĆ, ministar vanjskih poslova g. Dragan DOKO, ministar vanjske trgovine i ekonomskih odnosa
juli	g. ARIMA Tatsuo, specijalni izaslanik Vlade Japana	
2005. mart		g. Adnan TERZIĆ, predsjedavajući Vijeća ministara gđa. Ljerka MARIĆ, ministrica finansija i trezora
2006. novembar	gđa. MATSUSHIMA Midori, parlamentarna zamjenica ministra vanjskih poslova	
2008. januar	Otvaranje ambasade Japana u BiH (Ured za vezu je unaprijeđen u ambasadu)	
2009. oktobar		g. Sven ALKALAJ, ministar vanjskih poslova
2012. april	g. HAMADA Kazuyuki, parlamentarni zamjenik ministra vanjskih poslova	
2013. septembar		dr. Denis BEĆIROVIĆ, predsjedavajući Predstavničkog doma Parlamentarne skupštine BiH
2014. juli	g. MAKINO Takao, parlamentarni zamjenik ministra vanjskih poslova	
august	Delegacija Predstavničkog doma Japana (predvodio: g. IBUKI Bunmei, predsjedavajući)	g. Mirsad KEBO, potpredsjednik Federacije BiH
2015. juli	g. SONOURA Kentaro, parlamentarni zamjenik ministra vanjskih poslova	
2016. oktobar	g. KISHI Nobuo, državni ministar vanjskih poslova	
2017. oktobar		g. Igor CRNADAK, ministar vanjskih poslova
2018. maj		g. Josip BRKIĆ, zamjenik ministra vanjskih poslova
2019. oktobar		g. Željko KOMŠIĆ, predsjedavajući Predsjedništva (prisustvovao ceremoniji ustoličenja japanskog cara)
2021. mart		dr. Selmo CIKOTIĆ, ministar sigurnosti
maj	g. MOTEGI Toshimitsu, ministar vanjskih poslova	

Zvanična razvojna pomoć (ODA)

Kao članica Upravnog odbora Vijeća za implementaciju mira (PIC SB) od 1995. godine, Vlada Japana je aktivno angažirana u procesu izgradnje mira u BiH, te pružanja podrške u naporima za obnovu i razvoj zemlje kroz Zvaničnu razvojnu pomoć (ODA). Japan je jedan od najvećih i najznačajnijih razvojnih partnera BiH. Ukupna vrijednost pomoći iznosi približno 1 milijardu KM.



GAGP : omjer broja projekata po sektoru

1 Bilateralna saradnja

(1) Grant pomoć

Ukupno: 29,5 milijardi JPY (oko 437 miliona KM)

(2) Temeljna grant pomoć za projekte iz oblasti ljudske sigurnosti (GAGP)

Ukupno: 2,3 milijardi JPY (oko 35.1 miliona KM)

Od 1996., u BiH je implementirano preko 240

GAGP projekata, uključujući obnovu školskih ustanova, donacije medicinske opreme i deminiranje.

(3) Kreditna pomoć

Ukupno: 16,7 milijardi JPY (oko 243 miliona KM)

(4) Tehnička saradnja

(JICA/Japan International Cooperation Agency)

Ukupno: 7,2 milijardi JPY (oko 98 miliona KM)

Više od 100 japanskih stručnjaka posjetilo BiH

Više od 830 BiH pripravnika pozvano u Japan

6 projekata razvojnih studija

16 projekata tehničke pomoći

(5) Grant pomoć iz oblasti kulture

Ukupno: 172 miliona JPY (oko 2.5 miliona KM)

(6) Temeljna grant pomoć iz oblasti kulture

Ukupno: 74 miliona JPY (oko 1 miliona KM)



2 Pomoć kroz međunarodne organizacije

Ukupno: preko 9,8 milijardi JPY (138 miliona) KM

- Finansijski doprinos OHR-u: oko 67 miliona KM

- Povjerenički fond Japana i UNDP-a za BiH (23 projekta):
oko 56 miliona KM

- Povjerenički fond Ujedinjenih nacija za ljudsku sigurnost (UNTFHS): oko 8.9 miliona KM

- Pomoć BiH za oporavak od poplava (UNDP, IOM): oko 6.3 miliona KM



Pomoć u oblasti zdravstva



Pomoć osobama sa posebnim potrebama



Pomoć u oblasti obrazovanja





Diplomatske teme

Grant pomoć u borbi protiv zaraznih bolesti i za unapređenje zdravstvenog i medicinskog sistema u BiH

Suočena sa neviđenom krizom COVID-19, Vlada Japana je odlučila obezbijediti bespovratnu pomoć za zdravstvenu i medicinsku opremu (Program ekonomskog i društvenog razvoja) kako bi doprinijela jačanju kontrole zaraznih bolesti u BiH i zdravstvenog i medicinskog sistema. U februaru 2021., ambasador ITO

i zamjenica predsjedavajućeg Vijeća ministara i ministrica vanjskih poslova BiH, dr. TURKOVIĆ, su razmijenili note za grant pomoć u iznosu od 100 miliona jena u okviru Programa ekonomskog i društvenog razvoja.

Temeljna grant pomoć za projekte ljudske sigurnosti za uklanjanje mina u Bihaću, Donjem Vakufu, Doboju i Foči

Vlada Japana je odlučila obezbijediti 389.150 eura (oko 47 miliona jena) za "Program podrške uklanjanja mina u gradovima Bihać, Donji Vakuf, Dobojski i Foča" u okviru Temeljne pomoći za projekte ljudske sigurnosti u 2021. U maju 2021., ambasador ITO je potpisao sporazum sa g. Tomažom LOVRENČIČEM, generalnim direktorom Međunarodnog povjereničkog fonda za jačanje ljudske sigurnosti (ITF).

Ovim projektom će se omogućiti aktivnosti deminiranja u četiri grada na oko 200.000 kvadratnih metara. Oko 370 stanovnika u ciljanim područjima će imati direktnu korist, te će se za oko 160.000 stanovnika u četiri grada stvoriti uslovi da vode bezbjedne živote.





Sadnja stabla u Aleji ambasadora

Svake godine, novoimenovani ambasadori iz različitih zemalja sade stabla duž Aleje ambasadora u Starom gradu u Sarajevu.

U septembru 2021., ambasador ITO je zasadio 209. stablo lipe na Aleji.

Razvoj poslovnih odnosa

Stvaramo prilike za razvoj poslovnih odnosa između Japana i BiH, uključujući posjete bh. privatnim kompanijama, kao što su banke i supermarketi, razgovore sa predstvincima japanskih kompanija, te sastanke sa čelnicima Agencije za promociju stranih investicija u BiH, Ministarstva okoliša i turizma FBiH, te Vanjskotrgovinske komore BiH.



Predavanja japanskih profesora


Pozivajući predavače iz Japana, održavali smo zajedničke seminare u saradnji sa Univerzitetom u Sarajevu i Univerzitetom u Banja Luci u hibridnoj formi. Ovaj program ima za cilj upoznavanje publike sa izvrsnim japanskim tehnologijama i znanjem, kako bi se iskoristile za budući ekonomski i društveni razvoj.

Dodjela priznanja ambasadora

Ambasador uručuje ovo priznanje pojedincima ili grupama koji su doprinijeli promociji međusobnog razumijevanja i prijateljstva između Japana i BiH. Do sada su nagrađene četiri grupe i dva pojedinca, uključujući Udruženje bivših stipendista Vlade Japana u BiH i Filozofski fakultet Univerziteta u Sarajevu.



Posjeta lokalnim gradovima



① Sarajevo, april 2021.



② Konjic, juni 2021.



③ Vogošća, juni 2021.



④ Teslić, juni 2021.



⑤ Mostar, august 2021.



⑥ Čelić, septembar 2021.



⑦ Živinice, septembar 2021.



⑧ Sokolac, septembar 2021.



⑨ Zenica, oktobar 2021.



⑩ Kladanj, oktobar 2021.



⑪ Tuzla, oktobar 2021.



⑫ Livno, novembar 2021.



⑬ Grude, novembar 2021.



⑭ Mostar, novembar 2021.



⑮ Banja Luka, novembar 2021.



⑯ Travnik, novembar 2021.



⑰ Visoko, decembar 2021.



⑱ Fojnica, februar 2022.



⑲ Pale (FBiH), februar 2022.



㉑ Foča, februar 2022.



㉒ Bihać, mart 2022.



㉓ Bosanski Petrovac, mart 2022.



㉔ Nevesinje, mart 2022.

CROATIA



⑩ Goražde, februar 2022.



⑪ Goražde, februar 2022.



⑯ Knezevo, maj 2022.



⑰ Derventa, maj 2022.



⑲ Modriča, maj 2022.



Japan i Olimpijske i Paraolimpijske igre

Ljetne olimpijske igre u Tokiju 1964. i Zimske olimpijske igre u Sapporu 1972. bile su prve Ljetne i Zimske olimpijske igre održane u Aziji. Zimske olimpijske igre u Naganu 1998. su bile treća Olimpijada čiji je domaćin bio Japan. Na ovoj Olimpijadi, sadašnja državna zastava BiH je po prvi put predstavljena svijetu.

Tokom ljeta 2021., Ljetne olimpijske (od 23. jula do 8. augusta) i paraolimpijske igre (od 24. augusta do 5. septembra) su bile održane sa zakašnjenjem od godinu dana zbog pandemije COVID-19. Tada je Japan po četvrti put postao domaćin igara, od čega su one po drugi put održane u Tokiju.



Specijalni intervju



Haris EMINOVIĆ
paraolimpijac

KONNICHWA! (こんにちは) Moje ime je Haris EMINOVIĆ i ja sam bio učesnik Paraolimpijskih igara Tokio 2020. Na Paraolimpijske igre sam otišao kao takmičar u stonom tenisu, put do Tokija bio je veoma težak i trnovit, ali uz dosta odricanja, ulaganja i volje uspio sam da ostvarim svoj san. Kada smo sletjeli u Japan, primjetio sam da je japanski narod izuzetno kulturni i u velikoj mjeri ljubazan, čime su jednostavno uljepšavali naš boravak tamo. To nevjerojatno gostoprимstvo imali smo do samog našeg odlaska. Selo u kojem smo boravili bilo je predivno iz razloga što nam je sve bilo na dohvrat ruke i bilo je puno volontera koji su nam bili na usluzi čitav dan, olakšavajući nam boravak tamo. Bez obzira na COVID situaciju koja je čitav svijet zadesila, uspio sam da

vidim dio grada jer sam imao tu sreću da sala u kojoj se igralo takmičenje u stonom tenisu bude u gradu. Pošto dolazim iz male države Bosne i Hercegovine, imao sam priliku da vidim jedne od ogromnih arhitektura koje su me zaista oduševile, kao što su ogromne višespratske zgrade, "Tokyo Tower", velike mostove, itd. Sala u kojoj sam igrao Paraolimpijske igre je takođe ostavila divne utiske na mene, imao sam čast i priliku da igram na podlozi i stolovima koji su u najvećem vrhu što se tiče uslova. Drago mi je što sam video i probao neke od japanskih jela. Japan će meni zauvijek ostati u srcu, veliki doživljaj i utisak je ostavio na mene i nadam se da mi ovo neće biti prvi i posljednji put da obidem nevjerojatni Japan. ARIGATO (ありがとう) i SAYONARA (さようなら) !

Ličnosti koje nas povezuju



Jadranka STOJAKOVIĆ

Jadranka se sa 16 godina pridružila džez grupi svog strica u Njemačkoj kao basistica i vokal, te je proširila svoje aktivnosti u Evropi. Postala je poznata kada je napisala i otpjevala himnu Zimskih olimpijskih igara u Sarajevu 1984. Također je proglašena za najbolju umjetnicu Jugoslavije. Njeno interesovanje za japansku kulturu, posebno za Ukiyo-e i Haiku, dovelo ju je u Japan 1988. na snimanje. Međutim, rat u BiH je u međuvremenu izbio i intenzivirao se, te je od tada do 2011. učinila Japan svojim područjem djelovanja, gdje je bila angažovana u širokem spektru aktivnosti, uključujući pisanje tematskih pjesama za japanske TV programe i filmove. Preminula je u Banja Luci 2016., a njene pjesme i glas još uvijek odjekuju i vole ih mnogi ljudi u Japanu i BiH.



Ivica OSIM

Godine 1964., OSIM je prvi put nastupio u Japanu kao igrač fudbalske reprezentacije Jugoslavije na Olimpijskim igrama u Tokiju, gdje je postigao dva gola protiv reprezentacije Japana. Nakon igračke penzije, vodio je reprezentaciju Jugoslavije kao trener od 1986. do 1992. Od 2003. je bio angažovan kao klupski tim menadžer u Japanu, a na kraju je postao i selektor reprezentacije Japana. Napravio je brilijantna postignuća i zaslužio je da ga zovu "veliki general". Riječi iz njegove fudbalske filozofije postale su popularne kao "Osimove riječi" i zarobile su srca mnogih Japanaca, kao i fudbalera. Kao priznanje za doprinos razvoju japanskog fudbala i promicanju međusobnog razumijevanja između Japana i BiH, 2016. godine je odlikovan Ordenom izlazećeg sunca, zlatnih zraka sa rozetom. Preminuo je u maju 2022., a narodi Japana i BiH su iskazali veliko poštovanje i zahvalnost za njegova ogromna postignuća.



Ranko ŠKRBIĆ

Godine 1989., studirao je na Univerzitetu Shinshu. Nakon povratka iz Japana, postao je dekan Medicinskog fakulteta na Univerzitetu u Banja Luci. Doprino je promicanju međusobnog razumijevanja između Japana i BiH, te je pružio podršku brojnim međunarodnim studentima. On je postao prva osoba u BiH kojoj je 2021. dodijeljeno priznanje ministra vanjskih poslova Japana.



Branislav CRNOGORAC

Bavi se obukom trenera džudoa i džudista, te kroz sport promoviše bilateralno prijateljstvo Japana i BiH. Kao priznanje za dugogodišnji doprinos promociji džudoa u BiH, 2021. godine je odlikovan Ordenom izlazećeg sunca, zlatnim i srebrnim zrakama 2021. godine.



MIYAMOTO Tsuneyasu

MIYAMOTO, nekadašnji kapiten fudbalske reprezentacije Japana, osnovao je sportsku akademiju "Mali most" u Mostaru 2016., sa ciljem promovisanja etničkog sklada kroz sport. Djeca zajedno jure loptu na terenu i njeguju prijateljstva koja nadilaze etničke podjele.



Bilateralna razmjena

Ambasada Japana intenzivno promoviše brojnu razmjenu između Japana i BiH u različitim oblastima, kao što su sport, kultura i obrazovanje.

Učenje japanskog jezika

Filozofski fakultet Univerziteta u Sarajevu nudi časove japanskog jezika kao izborni predmet i javni kurs, koje podučava predavačica iz Japana. Od osnivanja kursa, više od 800 ljudi je učilo japanski jezik. Tako je 2021. opremljen kabinet za izučavanje japanskog jezika i kulture, kroz Temeljnju grant pomoći iz oblasti kulture, sa nadom da će kabinet postati centar za edukaciju i izučavanje japanskog jezika u BiH.

Također, prilike za učenje japanskog jezika preko privatnih organizacija i pojedinaca se šire u više gradova BiH, čime raste interes za Japan.

Ambasada Japana promoviše svoju kulturu kroz organizaciju i podršku raznih događaja o japanskom jeziku i kulturi. To su Novogodišnji dani japanske kulture, Takmičenje u govorništvu na japanskom jeziku, Test znanja japanskog jezika – JLPT i slično.



Projekat za unapređenje kabineta za nastavu japanskog jezika i kulture na Filozofskom fakultetu Univerziteta u Sarajevu



Dodjela certifikata uspješnim kandidatima sa Testa znanja japanskog jezika (JLPT)



Takmičenje u govorništvu na japanskom jeziku



Radionica japanske novogodišnje kaligrafije

Razmjena ljudi

U saradnji sa Ministarstvom obrazovanja, kulture, sporta, nauke i tehnologije Japana (MEXT), nadležnim ministarstvima i agencijama, Japanskom fondacijom i drugima, pružamo informacije o studiranju u Japanu, biramo međunarodne studente, podržavamo njihove aktivnosti, te jačamo odnose između Japana i BiH.

Stipendija Vlade Japana za strane studente (MEXT)

MEXT je godišnji program Vlade Japana za stipendiranje dodiplomskih i postdiplomskih studenata. Oko 50 studenata iz BiH je do sada odabrano za stipendiste MEXT-a, čime su dobili priliku za napredno i specijalizovano obrazovanje na japanskim univerzitetima. Nakon povratka u BiH, svojim iskustvom i znanjem stečenim u Japanu, stipendisti predstavljaju most koji povezuje naše dvije zemlje.

Japanska fondacija

Naučnicima i istraživačima koji proučavaju Japan, Japanska fondacija pruža priliku da svoja istraživanja sprovode u Japanu.

MIRAI program



Učesnici MIRAI programa 2019. g

MIRAI je program implementiran u sklopu Inicijative za saradnju sa Zapadnim Balkanom, koju je najavio premijer ABE 2018., sa ciljem da promoviše međusobno razumijevanje između Japana i zemalja Zapadnog Balkana, te između naroda regije Zapadnog Balkana.

U saradnji sa Regionalnom organizacijom za saradnju mladih na Zapadnom Balkanu (RYCO), pozivamo izvanredne mlade, odabrane putem otvorenog poziva, da posjete Japan. Učesnici programa će posjetiti japanske gradove, kao što su Tokyo, Kyoto i Hiroshima, i uključiti se u intelektualni dijalog o izgradnji mira sa japanskim studentima i istraživačima.

Sportska razmjena

Između Japana i BiH su ostvarene razne sportske razmjene, a sve u cilju produbljivanja prijateljskih odnosa između ove dvije zemlje i promocije etničkog sklada.

Džudo



Džudo turnir „BiH & Nippon”

Turnir pod nazivom „BiH & Nippon” , koji organizuje Džudo savez BiH, održava se svake godine u Sarajevu, uz učešće brojnih domaćih i međunarodnih sportista. Kroz džudo se stiču ne samo savladane tehnike, već i poštovanje prema protivniku, što je srž duha japanskih borilačkih vještina.

Fudbal



Djeca iz Japana na studijskom putovanju u BiH

Sportska akademija „Mali most” , predvođena nekadašnjim kapitenom japanske reprezentacije MIYAMOTOM Tsuneyasuom, aktivna je u promociji etničkog sklada kroz školu fudbala za djecu. Centar njenih aktivnosti je sadržan u Sportskom centru Kantarevac u Mostaru, koji je prethodno obnovljen kroz program grant pomoći iz oblasti kulture Vlade Japana. Djeca iz BiH i Japana su 2017. učestvovala u međusobnoj sportskoj razmjeni u obliku studijskih putovanja, kroz aktivnosti organizacije „Mali most” .

Karate



Dodjela priznanja ambasadora Japana

U BiH postoji više od 300 karate klubova, sa preko 3000 takmičara. Karate savez BiH je 2022. primio priznanje ambasadora Japana za aktivnosti u svrhu promocije duha tradicionalnih japanskih borilačkih vještina kroz karate.

Projekat grad-domaćin



Ceremonija potpisivanja sporazuma o saradnji za olimpijski grad-domaćin

Povodom održavanja Olimpijskih i Paraolimpijskih igara u Tokiu 2020., japanski grad Isen u prefekturi Kagoshima je registrovan kao grad-domaćin bosanskohercegovačkim reprezentativcima. Isen planira nastaviti saradnju sa BiH, s ciljem produbljivanja međusobnog razumijevanja i prijateljstva.



Embassy of JAPAN